



GUDDIDA SIYAASADDA MIISAANIYADDA DAWLADDA OO KULANKOODII UGU HOREEYEY KA YEESHAY DIYAARINTA MIISAANIYADDA 2024-KA



Danjire
Magazine

April - June 2023

◆ Wasiirka Wasaaradda H. Maaliyadda JSL Oo
Daah-Furay Xarunta Yeedhmada (Call-Center) Waaxda
Cashuuraha-Berriga Ee Magaaladda Hargeisa

◆ Wasiir Ku Xigeenka Wasaaradda H. Maaliyadda JSL Oo
Maanta Tababar U Furtay Saraakiil ka kala socday
Hay'addaha Madaxa-Bannaan Ee Dawladda.

◆ “Hay’adkasta Oo Dawladeed Ama Mid Gaar Loo
Leeyahay-ba Ha Noqotee Waxa Mihiim U Ah Inay Ku
Dhisnaato Oo Ay Tiir-Dhexaad U Noqdaan Daah-Furnaan
Iyo Isla-Xisaabtan” Agaasimaha Guud Ee Wasaaradda
Horumarinta Maaliyadda JSL Md. Maxamed Xuseen
Cismaan(Mu’adinka)

Fariinta Hawlwadeenada Danjire

Danjire waa Xog-side sedex-biloodle ah, kaas oo ay soo saarto Wasaaradda Horumarinta Maaliyadda JSL. Wuxaanu dadweynaha kula wadaagnaa wixii xog ah ee aanu muhiim u aragno, anagoo kusoo ururina wixii dhacdooyin ah ee la xidhiidha shaqada aanu u idmanahay.



Wixii talo iyo toosin ah ee aanu ku horumarin karo xogsidahan iyo guud ahaanba shaqada Wasaaradda waxaad nagula wadaagi kartaan Email-ka Wasaaradda:

Info@slmof.org ama formka cabashada iyo talooyinka ee

Mareegta: W.H.Maaliyada www.Slmof.org.

Follow & Subscribe us



Tusmada

Guddida Siyaasadda Miisaaniyadda Dawladda Oo Kulankoodii Ugu Horeeyey Ka Yeeshay Diyaarinta Miisaaniyadda 2024-ka.	2
Xafisiyada Hanti-Dhawrka Gudaha Ee Dawladdaha Hoose Ee Somaliland Oo Tabobaro Mihiim Ah Loo Furay	4
Wasiirka Wasaaradda H. Maaliyadda JSL Oo Daah-Furay Xarunta Yeedhmada (Call-Center) Waaxda Cashuuraha-Berriga.	6
Wasaaradda Horumarinta Maaliyadda JSL Oo Ku Soo Kordhisay Kastamka Madaarka Hargeisa Qaboojiye/Baraf-dhaliye Lagu Hayn Doono Badeecaddaha Kulaylka U Nugul Inta Aanay Ganacsatadu Kastamka Kala Bixin.....	8
Wafti ka Socda Wasaaradda Maaliyadda Somaliland oo Safar Aqoon-Is-Dhaafsi ah Ku Tagay Dalka Aynu Jaarka Nahay Ee Itoobiya.	10
Agaasimaha Guud Ee Wasaaradda Horumarinta Maaliyadda JSL Oo Ka Qaybgalay shirkii 23-aad ee Guiddida farsamo ee Mashruuca Maamul Daadejinta Adeeg-Bixinta Dawladdaha-hoose ee JPLG.	12
Wasiir Ku-xigeenka Wasaaradda H. Maaliyadda JSL Oo Maanta Tababar U Furtay Saraakiil ka kala socday Hay'addaha Madaxa-Bannaan Ee Dawladda.....	14
Hanaanka Maareynta Xogta Maaliyadeed ee Somaliland (SL-FMIS). .	16
Buugga Xogsidaha Cashuurta iyo Cashuur-bixiyaha	18
Buugga Qiimaynta Badeecadaha (Customs Valuation Book 2020)	22
Buug-yaraha Muwaadinka iyo Miisaaniyadda 2023	24

Guddida Siyaasadda Miisaaniyadda Dawladda Oo Kulankoodii Ugu Horeeyey Ka Yeeshay Diyaarinta Miisaaniyadda 2024-ka

Hargeisa 24 July, 2023 (WHM) - Iyada oo laga shidaal qaadanayo Xeerka Maamulka Maaliyadda Dawladda ee Xeer Lr.75/2016, is la jeerkaasna la raacayo kal-tirsiga diyaarinta miisaaniyadda, waxa ay Guddiga Heer-Qaran ee Siyaasadda Miisaaniyadda Dawladdu yeeshen 24 June 2023 kulankoodii shaqo ee ugu horeeyey ee diyaarinta Miisaaniyadda sanadka soo socda ee 2024. Kulan-hawleedkan oo uu shir-gudoominayey Gudoomiyaha Gudiga ahna Wasiirka Wasaaradda H. Maaliyadda JSL Dr. Sacad Cali Shire waxa ka soo qaybgalay Wasiirada Wasaaraddaha Qorshaynta, Arimaha-Gudaha, Maalgashiga, Warfaafinta, Ganacsiga, Deegaanka, Waxbarashada, Wasiir-Xigeenkha Maaliyadda, Agaasimaga Guud ee Maaliyadda, Madaxda Waaxaha Dhaqaalah & Tirokoobka Maaliyadda, Miisaaniyadda & Qorshaynta, saraakiil iyo hawl-wadeeno ka tirsan Wasaaradda H. Maaliyadda.



Waxaana bilawgii kulan-hawleedka Gudiga sharaxaad laga siiyey xaaladda guud ee dhaqaalah Dalka, iyada oo loo qaybiyey nuqulo ah Xaashida Guud-Marka Dhaqaalah {Budget Outlook Paper}. Tani waa talaabada kowaad ee geedi-socodka diyaarinta Miisaaniyadda Dawladda. Xaashida Guud-Marka Dhaqaalah oo ah bar-bilawga hawsha diyaarinta miisaaniyadda ayaa ka kooban shan qaybood kuwaasi oo kala ah:

1. Qaybta 1aad: waxa ay si kooban oo cad

u tibaaxaysaa hanaanka diyaarinta odoroska sanadlaho ah ee miisaaniyadda iyo waliba kaalinta Guddiga Siyaasadda Miisaaniyadda.

2. Qaybaha 2aad, 3aad iyo 4aad: waxa ay si guud-mar ah uuga warbixiyaan guud ahaan xaalada dhaqaale ee dunida iyo gaar ahaan kan Somaliland.

3. Halka qaybta 5-aad ay muujinayso qaab-dhismeedka uu yeelanayo ku-talo-galka odoroska miisaaniyaddu.



Ugu danbayn, waxa kulankani intii uu socday la is kula jeexjeexay meelaha ay tahay in mudnaanta la siiyo sanad miisaaniyaddeedka soo socda ee 2024 hadii Rabi ogolaado. Kulan-hawleedkan oo ah bar-bilawga geedi socodka diyaarinta miisaaniyadda 2024 sidii aanu sare ku soo sheegnay, waxa kulamada xiga loo balansanyahay todobaadyada soo socda sida uu qorshuhu yahay. Hawasha diyaarinta miisaaniyadda dawladda ayaa sida caadada ah bilaabanta bisha May ee sanadkasta ilaa iyo dhamaadka bisha October.



Xafiisyada Hanti-Dhawrka Gudaha Ee Dawladdaha Hoose Ee Somaliland Oo Tabobaro Mihiim Ah Loo Furay

“Hay’adkasta Oo Dawladeed Ama Mid Gaar Loo Leeyahay-ba Ha Noqotee Waxa Mihiim U Ah Inay Ku Dhisnaato Oo Ay Tiir-Dhexaad U Noqdaan Daah-Furnaan Iyo Isla-Xisaabtan” Agaasimaha Guud Ee Wasaaradda Horumarinta Maaliyadda JSL Md. Maxamed Xuseen Cismaan(Mu’adinka)



Hargeisa 24 July, 2023 (WHM) - Agaasimaha Guud Ee Wasaaradda Horumarinta Maaliyadda JSL Md. Maxamed Xuseen Cismaan(Mu’adinka) oo uu weheliyo Agaasimaha Guud ee Wasaaradda Arimaha Gudaha Md. Maxamed Yuusuf Ismaaciil ayaa tabobar mihiim ah oo mudo laba maalmood ah socday, u furay 03/06/2023-kii saraakiil iyo hawl-wadeeno ka socday xafiisyada hanti-dhawrka gudaha ee dawladdaha-hoose ee Dalka. Tababorkaas oo ku saabsanaa xeerarka maamulka maaliyadda, xisaabaadka iyo hantidhawrka gudaha ee dawladdaha hoose iyo sidii kor loogu qaadi lahaa xirfadaha iyo aqoonta hawladeena xafiisyadaasi, kaas oo qayb ka ah mashruuca wadaaga ah ee JPLG ee maamul daadejinta iyo adeeg bixinta dawladdaha hoose. Ugu horayn waxa halkaas ka hadlay Agaasimaha

Guud ee Wasaaradda Horumarinta Maaliyadda JSL Md. Maxamed Xuseen Cismaan (Mu’adinka), kaas oo saraakiisha tabobarka qaadanaysay si qoto-dheer ugu sharaxay mihiimada iyo faa’idada uu u leeyahay tabobarkaasi iyo inay bartaan shuruucda iyo xeerarka dalkooda gaar ahaan xeerarka maamulka maaliyadda JSL, waxaana hadalkiisii ka mid ahaa “Tabobarka aad maanta u fadhidaan ee ku saabsan baadhista gudaha “hay’adkasta oo dawladeed ama mid gaar loo leeyahay-ba ha noqotee waxa mihiim u ah inay ku dhisnaato oo ay tiir-dhexaad u noqdaan daah-furnaan iyo isla-xisaabtan, hantidhawrkuna wuxuu leeyahay laba shaqo ama hanti-dhawrka gudaha ha noqdo ama hanti dhawrka guud ha noqdee, midi hawsha ka hor buu la socdaa waxwalba midina waa ka daba tagis oo hawl la qabtay buu baadhis ku sameeyaa.



Sideedaba maamul wanaagsan waxa tiir-dhexaad u ah daah-furnaanta iyo isla-xisaabtan, sida runta ahna mihiimad wayn bay u leedahay dawladaha hoose iyo hay'ad walba inay yeelato hanti dhawr u gaar ah oo haga isla markaana toosiya masuuliyiinta joogta markaas oo wixii aan sharciga waafaqsanayn ka joojiya marka horeba. Markaa waxa aan idinku gubaabinayaa inaad ka faa'idaysataan tababarkan oo runtii ah mid mihiimad wayn u leh qaranka, isla markaana aad weelaysaan duruusta aad halkan ku qaadataan oo aad hadhaw ku shaqaysaan marka aad hay'adihiinii ku noqotaan, waa suurtagal inay marmarka qaar culaysyo idinkaga soo noqdaan shaqadiinaasi oo ay dhibsadaan qaar ka mid ah masuuliyiinta hay'adihiinaasi, laakiin idinku marwalba sharciga ayaad ku taagnaanaysaan oo idin hagaya oo aad ku dhaqmi doontaan, maadaama oo shaqadiinu tahay toosin oo aanay muran iyo iska hor imaadna ahayn waa inaad si fican oo aqooni ka muuqato u gudataan waajibaadka uu sharcigu idin siiyey, mana filayo inuu jiro qof masuul ah oo diidayta marka lagu yidhaahdo sharcigu taas ma ogola iyo waa sidaas sharcigu". Agaasimaha guud ee wasaaradda horumarinta maaliyadda Maxamed Xuseen Cismaan (Mu'adinka) isaga oo hadalkiisa sii wata waxa uu intaas raaciyeey "Idinka oo masuuliyiinta hay'adaha aad ka hawlgashaan hoos

yimaada hadana hantidhawrku wuu madaxbanaan yahay oo nidaamka iyo masuuliyiinta hay'adahaas ayaad sharciga ku ilaalinaysaan, idinkana la idinka fili maayo inaad sharciga ka leexataan oo aad qofka masuulka ah ku dhibtaan sharciyada aad haysataan, markaa waxa la idinka rabaa inaad si naasteeq leh u toosisaan masuuliyiintiina aad ku tidhaahdaan waxaaas baa sharcigu inoo ogolyahay oo waxaasna sharcigu inooma ogola. Waxa aad eegaysaana maaha Xisaabaadka oo kaliya ee waxa aad eegaysaan xil-gudashada hay'adda aad joogtaan dawlad hoose hadii ay tahay iyo hadii ay hay'ad kale tahayba, waa inaad eegtaan sida waajibaadkii shaqo ee yaalay loo gutay".

Sidoo kale waxa isaguna halkaasi ka hadlaya Agaasimaha Guud ee Wasaaradda Arimaha Gudaha Md. Maxamed Yuusuf, kaas oo iftiimihey ahmiyada hanti dhawrka guduuhu u leeyahay dawladaha hoose iyo guud ahaan hay'adaha kale ee dawladaba, kaas oo tilmaamay in loo baahan yahay sidii kor loogu qaadi lahaa, isla markaana loo gaadhsiin lahaa degmooyinka dalka oo dhan, isagoo tibaaxay mihiimada ay qaranka u leedahay in markii u horaysay la abuuro xafis ka shaqayn doon hantidhawrka gudaha oo degmo kastaaba ay yeelan-doonto.

Wasiirka Wasaaradda H. Maaliyadda JSL Oo Daah-Furay Xarunta Yeedhmada (Call-Center) Waaxda Cashuuraha-Berriga

Hargeisa 24 June, 2023 (WHM) - Wasiirka Wasaaradda Horumarinta Maaliyadda JSL Dr. Sacad Cali Shire oo ay weheliso Wasiirka Xigeenka Wasaaradda Amb. Rooda Jaamac Cilmi ayaa xadhiga ka jaray xarunta cusub ee yeedhmada {Call-Center} ee Cashuuraha-Berriga, taasi oo maanta la daahfuray, waajibaadka shaqo ee xaruntan

yeedhmada cashuuraha-berriga ayaa noqon doonta oo ay xoogga saari doontaa taakulaynta cashuur bixiyayaasha, inay gacan ka gaysato dardargalinta iyo horumarinta hoggaansanaanta cashuur-bixiyaha, fududaynta bixinta cashuuraha, ka war-celinta weydiimaha uuga yimaada cashuur bixiyayaasha iyo arimaha kale ee la hal-maala.



Wasiirka Wasaaradda Horumarinta Maaliyadda JSL Dr. Sacad Cali Shire oo isagu xadhiga ka jaray xafiiskan cusub ayaa ka waramay ujeedka ama muhiimadda uu xafiskani leeyahay waxaanu yidhi

"Maanta waxaan halkan kaga jaraynaa xadhiga xarunta yeedhmada ee cusub, xaruntaas oo loogu talo galay sidii loo gaadhi lahaa cashuur-bixiyaha, waxaan jecelahay in aan halkan uga mahadceliyo shaqaalaha Wasaaradda Maaliyadda, gaar ahaan shaqaalaha Waaxaha IT-ga iyo Cashuuraha-Barriga.

Wasaarad ahaan waxaanu u xil-saaranahay laba shay ama sadex shay:

1. *Samaynta miisaniyadda,*
2. *Ururinta dakhliga lagu odoroosay Miisaaniyadda,*
3. *Bixinta ku-talo-galka kharashka Miisaaniyadda.*

Sadexdaa shaqo, shaqada ugu adag runtii waa shaqada ururinta dakhliga. Xaruntan aynu furnay maantu waxay inoo fududeynaysaa sidii loogu sahli lahaa qofka cashuur-bixiyaha ah in uu cashuurtu bixiyo. Dadka qaar way u fududahay inay bixiyaan, dadka qaarna waxay u baahanyihiin in la xasuusiyo; xaruntani waxa weeye xaruntii loogu talogalay in lagu xasuusiyo cashuur-bixiyaha cashuurtu lagu leeyahay.



Cashuurta wuxuuun baa la waydiinayaa qofkii ay cashuuri ku wajibtay, qofaan sharci ku wajibinin la waydiin maayo. Waa muhiim ah in dhalinyarada ka shaqaynaysa xaruntu ay si hufan oo wanaagsan oo macaamil wanaagsan leh ula dhaqanto cashuur bixiyayaasha. Waa laga yaabaa inay dhibaato kala kulmaan cashuur bixiyaha, iyagase waxa looga

baahanyahay in ay u dulqaatan. Cashuur-bixiyaha la xasuusinayo in uu cashuurta is ka bixiyo waxa looga baahanyahay si hufan oo wanaagsan in uu ula dhaqmo ama ula hadlo shaqaalaha xarunta is la markaana uu ajiibo yeedhmada loo yeedho oo wixii cashuura ee markaa lagu leeyahay is ka bixiyo taasina codsi weeye”.



Wasaaradda Horumarinta Maaliyadda JSL Oo Ku Soo Kordhisay Kastamka Madaarka Hargeisa Qaboojiye/ Baraf-dhaliye Lagu Hayn Doono Badeecaddaha Kulaylka U Nugul Inta Aanay Ganacsatadu Kastamka Kala Bixin.

Hargrisa 28 May, 2023 (WHM) - Agaasimaha guud ee Wasaaradda Horumarinta Maaliyadda JSL Md. Maxamed Xuseen Cismaan [Muadinka] ayaa xadhiga ka jaray 28 May, 2023 qaboojiye/baraf-dhaliye loo soo iibiyey

Kastamka Madaarka Hargeisa ee Cigaal, kaasi oo loogu talgalay si loogu kaydiyo badeecaddaha aan u adkaysan karayn inay in badan yaalaan bilaa qaboojiye sida: cuntooyinka qoyan, daawooyinka, khudaarta iyo wixii kale ee la hal-maala.



Qaboojiyahan oo ah mid casriya waxa adeegsan doona ganacsatada wax kala soo degta ama ka dhoofisa Madaarka Hargeisa. Ganacsatadaas oo baahi weyn u qabay qaboojiye ay baddeecadaha noocas ah ku sii hayaan inta ay dhamaysanayaan hanaanka la bixista alaabooyinka.

Qaboojiyahan oo ah kii uugu horeeyey ee noociisa ah waxa uu wax weyn ka tari doonaa adeeg-bixinta Kastamada, daryeelka iyo raaligalinta macaamiisha [Cashuur-Bixiyaha] waxaanu qayb ka yahay barnaamijka Dib-u-habaynta Maamulka Maaliyadda guud ahaan, gaar ahaana hawlahaa

hore-u-dhigista habsami u socodka Maamulka Kastamada Dalka.

Agaasimaha Guud ee Wasaaradda Maaliyadda Jamhuuriyadda Somaliland Md. Maxamed Xuseen Cusmaan {Muadinka} oo hadal ka jeediyeey munaasabaddii xadhiga lagaga jarayey qaboojiyahan casriga ah, ayaa sheegay inay tahay talaabo ay ka wasaaraad ahaan u qaadeen xaga horumarka iyo baahi inbadan taagnayd oo la daboolay maanta, waxaana ka mid ahaa hadalkii Agaasimaha guud "Maanta oo taariikhdu tahay 28 May 2023 waa markii u horaysay ee



taariikhda intii Madaarka Cigaal jiray uu yeesho qaboojiye wayn oo lagu ilaalin doono badeecaha u baahan in qaboojiye lagu hayo, qaboojiyahan waxa badeecahaas lagu hayn donaa mudada ay Kaastamka Madaarka yaalaan, kuwaas oo ay ka mid yihii cuntooyinka qaarkood, dawooyinka, kiimikooyinka shaybaadhada, talaalada iyo wixii la mid ah, waxaanu si wayn u caawin doonaa cashuur-bixiyayaashii badeecadahaas keeni jirtay, kuwaas oo alaabtoodu noqon doonto mid la daryeelay, iyadoo ay halkan inala joogaan shaqaalah loo tababaray qaboojiyahan inay ku ilaaliyaan alaabtaasi".

Waxa kale oo iyaguna halkaasi ka hadlay Agaasime ku xigeenada Kaastamada, Iibka iyo Maamulaha Madaarka Hargeisa, kuwaas oo dhamaantood tilmaamay mihiimada uu u yeelan doono qaboojiyahaasi badeecadaha kasoo dega madaarka Hargeisa ee Cigaal International Airport.



Sidoo kale xubno ka mid ah ganacsatada wax kala

soo degta Madaarka Hargeisa oo munaasabaddan xadhib ka jarista ah ku sugnaa ayaa iyaguna dhinacooda soo dhaweyey, iyaga oo aad uugu guuxay agabkan cusub ee ay Wasaaraddu u soo kordhisay, sheegayna inay baahi aad u weyn u qabeen, marka ay timaado kaydinta badeecaddaha aan adkaysiga u lahayn kulaylka.

Dhinaca kale waaxda iibka ee wasaaradda



horumarinta maaliyadda JSL ayaa kaalin-wayn ka qaadatay soo iibinta iyo keenista qaboojiyaha loo soo iibiyey Kaastamka Madaarka Hargeisa ee Cigaal, kaas oo kaalin mugleh ka ciyaari doona badqabka badeecadaha mihiimka ah ee la keeno kastamka Madaarka Hargiesa ee u baahan Qaboojiyaha sida cuntooyinka qaarkood, dawooyinka, kiimikooyinka shaybaadhada, talaalada iyo wixii la mid ah ee aan adkaysiga u lahayn kulaylka.

Wafti ka Socda Wasaaradda Maaliyadda Somaliland oo Safar Aqoon-Is-Dhaafsi ah Ku Tagay Dalka Aynu Jaarka Nahay Ee Itoobiya.

June 07, 2023 {WHM} - Wefti ka socda Wasaaradda Maaliyadda Somaliland ayaa 30-kii bishii May, 2023 safar aqoon-is-waydaarsi ah ku tagay magaalada Addis-Ababa ee Caasimada Dalka aynu jaarka nahay ee Ethiopia. Xubnaha waftiga oo is kugu jiray masuuliyiin iyo hawl-wadeeno ka tirsan Waaxaha Cashuuraha-Berriga iyo Tiknoolajiyadda {IT& FMIS} uuna hogaaminayey Agaasimaha Waaxda C/Berriga Maxamed Ibraahim

Batuun waxa ay ujeedada safarkoodu daaranayd sidii ay wax uga soo korodhsanlaaayeen guud ahaan sida uu u shaqeeyo hanaanka maamulka cashuuraha-gudaha Wasaaradda Dakhliga Ethiopia, gaar ahaana cashuuraha dadban ee iibka adeegyada iyo badeecaddaha, cashuurahaasi oo hirgalintoodu dhinaca Somaliland ku cusubtahay.



Wasaaradda Dakhliyada Ethiopia oo bogageeda baraha-bulshada ku baahisay warka ku saabsan safarka waftiga ayaa sheegtay in ay labada dhinac yeeshen ilaa hada kulan-hawleedyo midho-dhal ah, halkaasi oo ay is ku waydaarsdeen wixii waayo aragnimo ay ku kala horeeyaan.

Wasaaradda Horumarinta Maaliyadda J. Somaliland ayaa cilaqaad fican la leh Wasaaraddaha dhigeeda ah ee Dalalka Qaarada Africa marka ay timaado

safarada aqoon-is-dhaafsiya iyo wadaagista waayo-aragnimada hawlaho maamulka maaliyadda. Wuxaan xusid mudan in 8-dii August, 2022 ay safar aqoon-korodhsa ku yimaadeen Somaliland wafti sare oo ka socday Jamhuuriyadda Sierra Leon ee dhacda galbeedka Qaaraddan Africa, waftigaas oo ka koobnaa 33 xubnood is la jeerkaasna uu hogaaminayey Agaasimaha Guud ee Wasaaradda Maaliyadda Jamhuuriyadda Sierra-



Leon Md. Samuel E. B. Momoh, kuwaas oo is kugu jiray qaybaha kala duwan ee Maaliyadda Dalkaasi. Iyada oo ujeedka safarkoodu ahayd sidii ay wax uga soo baran lahaayeen adeegsiga hanaanka is-wada ee Maaraynta Maamulka Maaliyadda ee IFMIS {Financial Management Information System}, kaasi oo Somaliland lagu majeerto hirgalintiisa maadaama oo uu si fican uuga dhaqangalay, ayna hada dhamaan Hay'addaha Dawladdu u adeegsadaan bixinta kharashka iyo xarayta dakhligaba.

Wasaaradda H. Maaliyadda Somaliland ayaa dabayaqaqadii sanadkii 2021 bilawday adeegsiga iyo hirgalinta mishiinka cashuurta iibka ee adeegyada iyo badeecaddaha si loo helo xisaab-celin cashuureed oo sugaran, gaar ahaana iibka ay sameeyaan hudheeladu. Wuxuu sidoo kale mashruucan hirgalinta cashuurta iibka qayb ka ahaa iibka adeegyada isgaadhsinta, kuwa korontada iyo iibka alaabooyinka ay warshadduhu soo saaraan ee gudaha Dalka lagu farsameeyey.

Waxaana markii uugu horaysay hudheelada la dhigay mishiinka cashuurta iibka ee loo yaqaano EFD {Electronic Fiscal Device}, mishiinkaa oo soo saara qaansheeg {Invoice} ay la socoto cashuurta ku waajibtay iibka uu sameeyey hudheelku, taas oo

xadigeedu yahay 5%, runtii waa mid aad u hooseeya marka loo eego xadiga ay qaadaan wadamo badan oo geeska iyo bariga Africa dhaca. Wuxaana wajigii laad ee mashruuca laga bilaabay magaalada Hargeisa ee Xarunta Dalka iyada oo wajiyadii xigayna lagu fidhiyey hudheelada waaweyn ee ku yaala magaalooyinka kale ee Dalka.

Guntii iyo gunaanadkiina, waxa uu qayb ka yahay safarka waftigan aynu sare ku soo sheegnay ee aqoon-korodhsiga ku jooga Dalka Ethiopia mashruuca hirgalinta cashuurta iibka Adeegyada iyo Badeecaddaha ee {GST}, gaar ahaana cashuurta ku waajibtay iibka adeegyada isgaadhsinta, korontada, hudheelada iyo iibka alaabooyinka gudaha Dalka lagu farsameeyo. Mashruucan oo ay dhawaanahaniba si dardarleh u waday Wasaaraddu, waxa si wada jir ah u fuliya Waaxaha Cashuuraha-Berriga, Shuruucda, X/Dadweynaha, IT-GA, Maamulka iyo Lacagta, Baadhiista-Gudaha iyo waliba Ciidanka Ilaalada Cashuuraha.

Agaasimaha Guud Ee Wasaaradda Horumarinta Maaliyadda JSL Oo Ka Qaybgalay shirkii 23-aad ee Guddida farsamo ee Mashruuca Maamul Daadejinta Adeeg-Bixinta Dawladdaha-hoose ee JPLG.

Boorama, May 25, 2023 {WHM}- Agaasimaha Guud ee Wasaaradda Horumarinta Maaliyadda JSL Md. Maxamed Xuseen Cismaan (Mu'adinka) ayaa ka qaybgalay shirkii 23-aad ee Guddida farsamo ee Mashuurca Maamul daadejinta ee JPLG-ga, kaas

oo lagu soo gabu-gabeeyey magaalada Boorama ee Xarunta Gobalka Awdal oo uu ka furmay. Shirkaas ayaa lagaga hadlay mudadii uu socday xalinta caqabada ka horyimaada geedi socodka mashruuca iyo sidoo kale horumarinta adeegyada aasaasiga ah ee bulshada.



Kulankan oo ah sedex-biloodle waa mid mihiimadiisa leh, waxaana inta uu socdo daneeyayaashu ku gorfeeyaan sidii horumar looga gaadhi lahaa mashruuca wadaaga ah ee bixinta adeegyada aasaasiga ee bulshada, gaar ahaan

adeegyada ay bixiyaan dawladaha-hoose, iyada oo loo marayo hirgalinta qorshe-hawleedyada loo dejiyey is la markaana iyada oo laga shidaal qaadanayo Istiraatijayadda guud ee Qaranka.



Ugu danbayn, waxa muuqata in intii mashruucan Adeeg-daadejinya Dawladdaha-hoose socday laga gaadhey guulo la taaban karo, kaasi oo awood u siiyey degmooyinka uu ka socdaa inay bixin karaan adeegyada bulshadu u baahantahay, hadii ay tahay farsamo ahaan, dhaqaale ahaan iyo maamul

ahaanba, waxaanu barnaamijku higsanayaa sidii maamulka hoose ee magaaloooyinku uga ka faalo qaadi lahaayeen Dawladda-dhexe bixinta adeegyada aasaasiga ah ee bulshada sida: waxbarashada, amniga, Caafimaadka, biyaha iyo arimaha kale ee la hal-maala.



Wasiir Ku-xigeenka Wasaaradda H. Maaliyadda JSL Oo Maanta Tababar U Furtay Saraakiil ka kala socday Hay'addaha Madaxa-Bannaan Ee Dawladda.

Hargeisa, 22/05/2023 (W.H.M) - Wasiir Ku Xigeenka Wasaaradda H. Maaliyadda JSL Marwo Rooda Jaamac Cilmi ayaa 22/05/2023 tabobar u furtay saraakiil ka kala socday Hayadaha Madaxa-Bannaan ee dalka, kuwaas oo

lagu tabobaray Buugyarahaa Hagaha Cashuuraha kharashaadka ku waajibay Wakaaladaha biyaha dalka iyo Hayadaha Madaxa Banaan.



Tabobarkan ayaa loo qabtay Hayadaha Duulista iyo Madaarada, Baanka dhexe, Madbacada qaranka, Haamaha Kaydka Shidaal Berbera, Dekadda

Berbera Iyo Wakaalada biyaha Hargeisa, Wajaale, Gabiley, Arabsiyo, Burco iyo Berbera.



Tabobarkaas oo hal maalin socday ayaa waxa bixinayey aqoonyahano ka tirsan waaxda cashuuraha berriga ee Wasaaradda Horumarinta Maaliyadda JSL, kuwaas oo sharaxaad dheeraad ah ka siiyey saraakiisha tabobarka qaadanayey noocyada kala duwan ee cashuuraha gaar ahaan; Cashuurta Dakhliga Shaqada (Payroll Income Tax), Cashuurta Diiwangalinta gaar ahaan biilasha (Registration Tax), Cashuurta Iibka

iyo Badeecadaha (GST), Cashuurta heshiisyada (Contract tax) iyo dhaqangalinta Cashuurta Tigidhada (Stamp Tax).

Sidoo kale waxa isaguna madashaasi ka hadlay Agaasimaha Waaxda Cashuuraha Barriga Md Maxamed Ibraahin Batuun, kaas oo tafaasil ka bixiyey mihiimada tabobarkaasi u leeyahay Habsami u socodka hawalaha dakhli ururinta.

Hanaanka Maareynta Xogta Maaliyadeed ee Somaliland (SL-FMIS)


Hanaanka Is-wada ee xogta maaraynta maamulka Maaliyadda (Somaliland Financial Management System SLFMIS) waa nidaam loogu talo galay in lagu maareeyo maaliyadda Dawladda Somaliland. Nidaamkan waxaa loogu talo galay in uu kaydiyo xogta maaliyadeed ee Dawladda si looga heli karo war-bixino iyo xisaab-xidh maaliyaddeed oo dhamaystiran.

Nidaamkan waxa iisticmaala 60 wasaaradood iyo hay'adood oo u adeega qaranka jamhuuriyadda Somaliland, wuxuu ka hirgalay dhamaan goboladda Dalka, kuwaas oo si toos ugu adeegsada qabashada dakhliga iyo bixinta kharaashaadka dawaladda. Waxana si toos ugu xidhan in ku dhow 700 oo iisticmaale. Wuxuu ka mid ah ha'yaddaha macaashka sameeya ee Dawladda {Public Enterprises}.

Nidaamkan waxa adeegsada dhamaan macmiilka maaliyadeed ee ay Dawladda, waxanna uu koobsadaa meertadda miisaniyadeed ee ay ka midka yihii:

- Diyaarinta iyo Qorshaynta Miisaaniyadda (Budget Planning & Preparation)
 - Kaantaroolidda Miisaniyadda (Budget Control)
 - Fulinta Miisaaniyadda (Budget Execution)
 - Iyo Warbixinaha Maaliyaddeed (Financial Reporting)

Xafiisyadda Dawladda ee Adeegsada Nidaamkan SLFMIS-ka



Nidaamkani ugu horayn waxa uu fududeeyay qorshaynta, diyaarinta iyo dejinta miisaaniyadda Dawladda oo ay Waaxda Miisaaniyadda ee Wasaaradda Horumarinta Maaliyaddu u qaabilsan tahay, waaxdaas oo kala shaqaysa Wasaaraddaha iyo Hay'addaha kale ee dawladda sidii ay u diyaarsan lahayeen miisaaniyadooda sannad walba.

Nidaamkan waxa kale oo loo adeegsadaa dakhli ururinta taas oo ay u xilsaaran yihiin xarumaha dakhliga ururiya ee Cashuuraha-Berriga iyo Kastamadda Dalka. Dakhligaa la soo galiyo nidaamkan SLFMIS hubin ahaan waxa uu maraa xafiiska Xisaabiyaha Guud. Hubin ka dibna waxa uu lagu xareeyaa Bangiga-dhexe ee JSL.

Qaybta saddexaad ee adeegsata nidaamkan SLFMIS ayaa ah xarumaha kharashka gala oo ay ka mid yihiin wasaaraddaha iyo hay'addaha dalku iyaga oo nidaamkan dhexdiisa ku soo dalbada kharashka ay galeen isla markaan hubin ahaan ugu gudbiya Xafiiska Xisaabiyaha Guud kaas oo markuu ku qanco saxnaanshaha kharashkaas ogalaada in lala bixi karo.

Nidaamkan SLFMIS waxa wada shaqayn iyo is ku xidh laga dhexaysiiyay nidaamka ay Bangiga-dhexe ee loo yaqaan (Core Banking System) si ay isku waydaarsadaan xogaha looga baahan yahay labada dhinac ee Xisaabiyaha Guud iyo Bangiga-Dhexe ee JSL, sida warbixinta bank statement-ka iyo xogaha kale ee la midka ah.

Ugu dambyan nidaamkan ayaa waxa adeegsanaya Hanti-dhawraha Guud oo kor-joogtayn iyo ilaalin ku leh maacaamilka maaliyaddeed ee dhex marayaa nidaamkan SLFMIS.

XALAALBAA BARAKOWDEE XOOLAHAGA CASHUURUO

Adeer Maanad i Garanayn!
Wixii Doonaaba ha ku jiraan
hoostee, dusha hal mobile baa
ku sawiran eekaas uun
cashuur

Ruqo kii lahaa dabada hayaa
ma kacdo! ma adigii
ganacsadaha wayn ahaa baa
sidaas u dhaqmaaya. laba iyo
toban mobile ayaa ku jira
markaasaad i leedahay hal
uun cashuur.

**MAXAAD KA TAQAANAA
MARXALADAHU CIQAABTA
EE CASHUURTA**

- A. Xadhig
- B. Ganaax Lacageed iyo
- C. In Ruqsadda lagala noqdo



Buugga Xogsidaha Cashuurta iyo Cashuur-bixiyaha

1 Tirsiga Aqoonsiga Cashuur Bixiyaha (TIN)

Tirsiga aqoonsiga cashuurbixiyaha waa tixraac namber(TIN) oo ay bixiso waaxda cashuuraha berrigu taas oo looga jeedo in lagu aqoonsado cashuur bixiyayaasha isla markaana cashuur bixiye kasta loo asteyn doono mid u gaar ah.

Tirsiga aqoonsigu waxa uu ku waajibay shaqsi kasta ama shirkad kasta oo ay ku waajibtay cashuur bixin iyo soo gudbin xisaabcelin, sidaa daradeed cashuurbixiyaasha leh laamo ganacsiyed oo ku kala yaala meelo kala duwan waa inay lahaadan d hal TIN oo kaliya.

1.1 Nidaamka Isdiwaangelinta

Waaxda cashuuraha berrigu waxay cashuurbisiyaasha u diyaarisay laba qaab oo ay isku diiwangelin karaan si ay u helaan Tirsiga Aqoonsiga Cashuur Bixiyaha(TIN)

Habka manualka ah

Cashuurbixiyahu waxa ay si toos ah ugu tagayaan xafiisyadda cashuuraha berriga kaas oo uu ka helay adeega diiwaangelinta iyo bixinta tirsiga Aqoonsiga Cashuur Bixiyaha(TIN)

Habka electronic-ga ah

Cashuurbixiyahu waxa ay si toosa u booqan karaa mareegta casriga (**online-taxpayer registration portal**) waaxda cashuuraha berriga taas oo uu si fogaan arag ah uu isku diiwangelin karo sidaana ku heli karo tirsiga Aqoonsiga Cashuur Bixiyaha(TIN).

1.2 TIN-Ka iyo Cashuuraha waajibay

Cashuurbixiyahu marka uu buuxbuuxinayo foomka diiwaangelinta waxa uu dooranaya cashuuraha ku waajibay ee uu u isticmaalayo TIN-Kiisa si isxilqaan ah kuwaas oo kala ah

- Cashuurta shaqaalaha (Employment income tax)
- Cashuurta Ganacsiga shirkadaha (Corporate income tax)
- Cashuurta ganacsiga shaksiyaadka(Individual income tax)
- Cashuurta xakameyntha (Excise tax)
- Cashuurta kiradda daaraha Cashuurta madaganayaasha Withholding tax
- Cashuurta Ilbka adeega iyo badeecadaha (Goods and service tax)
- Cashuurta kiradda daaraha (Rental income tax)

1.3 Isticmaalid La'aanta Namabarka Tix-Raaca Cashuureed

Qofka isagoo og ama taxadir daro u isticmaala number tixraac cashuureed oo been ah, oo Ay ka mid tahay lambar aqoonsi cashuur bixiye kale lagu xisaab celiyay ama dukumenti ku qoran ama loo isticmaalo ujeedooyinka xeerkan, wuxuu galayaa dambi wuxuuna mudanayaa xukun ganaax oo aan ka yarayn 20(currency point) ama xadhig mudadiisu aanu ka badnay hal sano ama labadoodaba.

NB.wixii macluumadda dheerada ee aad u baahato la xidhiidha Xafiiska Xarunta Isdiwaangelinta Cashuur-bixiyaha oo kuyaala Xarunta Dhexe ee Waaxda Cashuuraha Berriga **TEL 4104241**

2 Soo Xareynta Xisaab-Celinta Cashuuraha

Cashuur-bixiye kasta oo leh sumadda aqoonsiga TIN cashuureed waxaa looga baahan yahay inuu soo xareeyo xisaab-celinta mid kasta oo ka mid ah waajibaadka cashuureed ee ugu diiwaan gashan TIN-numberkiisa, hadaba cashuurbixiyashu si iskood ah ayay u soo diyaarinayaan xisaab-celinta cashuuraha ku waajibay, kuwaas oo ku soo gudbin doona foomamka xisaabcelinta ee ay u diyaarisay waaxda cashuuraha berrigu.

Cashuur-bixiye kasta oo leh sumadda aqoonsiga TIN-ka isla markaasna aan kasban wax dakhli ah ama helin dhaqdhaqaaq ganacsi mudadaas waxa looga baahanyahay inuu soo xareeyo xisaabcelintiisa oo muujinaysa xaaladiisa madhan(Nil)

Shaxda hoose waxa ay ku tusaysaa waqtiyada sharciga ah ee soo xareynta xisaabcelinadda iyo Ganaaxyadda ka dhasha soo gudbin la,aanta iyo daahitaanka xisaabcelinta.



No	Nooca Cashuuraha	Ugu danbeyn	Ganaaxyadda
1	Cashuurta shaqaalaha	15-ka bisha bisha xigta	2% Ganaax
2	Cashuurta M/M/ Ganacsiga	30-ka bisha April.	2% Ganaax
3	Cashuurta kiradda daaraha	30-ka bisha April.	2% Ganaax
4	Cashuurta libka(GST)	21-ka bilkasta	2% Ganaax
5	Cashuurta Madeganayaasha Withholding Tax	15-ka bisha bisha xigta	2% Ganaax

NB.wixii macluumadda dheerada ee aad u baahato la xidhiidha Xafiiska Xarunta xisaabcelinta cashuur-bixiyaha oo kuyaala Xarunta Dhexe ee Waaxda Cashuuraha Berriga
TEL 4008577

3 Macluumadka Cashuuraha Waa Weyn

3.1 Cashuurta Shaqaalaha

3.1.1 Maxay tahay cashuurtashaqaaluhu?

Cashuurta shaqaalahu waxay ku waajibtay dakhli kasta oo shaqaale ka soo gala shaqo sida uu sheegay qodobka 70aad ee Xeerka dakhliga cashuuraha berrigu waxaan ka mid ah qadarada soo socda:-

- Xuquuq Maalmeed, Mushahar, lacagta fasaxa loo qaato, fasaxa la lacageeyo, lacagta wakhtiga shaqada ee dheeraadka ah, ajuurooyin, lacagta faa'iido wadaaga ah, xuquuq shaqo ka tegis, abaal marin, jid-mar, madadaalo,
- Qiimaha dheef kasta oo la hibeeeyay
- Qadar kasta ama magdhaw uu bixiyo loo shaqeeye,
- Qadar kasta oo lagu helo xuquuq heshiis shaqo oo wakhtigiisii dhammaaday ha lagu muujiyo ama yaan lagu muujinin heshiishka xuquuqda noocas ah ama lagu heli karo oo ah qadar u dhigma heshiska shaqo.

3.1.2 Waa imisa tacriifadda cashuurta shaqaalahu?

Tacfriifadda Cashuurta shaqaalahu waa boqolkii ba lix (6%).

3.1.3 Side loo bixiyaa cashuurta shaqaalaha?

Loo shaqeeyaha ayaa bil walba ka reebaya shaqaalahiisa Cashuurta shaqaalaha isla markaasna isagaana bilkasta ku bixinaya xafiiska cashuuraha berriga ee ugu dhow.

3.1.4 Haddii aan la daaho maxaa dhacaya?

Haddii aad la habsaanto cashuurta shaqaalaha waxaa dhacaya ganaax 2%

La soco.....

Buugga Qiimaynta Badeecadaha

(Customs Valuation Book 2020)

Tariff No.	Description Goods	Statistics No.	Unit of Measurement	Value in US \$	Rate %
0703.20	Garlic	05452100	" "	\$ 0.090	15%
0708.11	Carrots, Cabbage etc.	05454100	" "	\$ 0.090	15%
Chapter 8					
Edible Fruits, Nuts & peels citrus fruits					
0804.10.00	Dates in Sacks	05796000	Per KG	\$ 0.30	7%
0804.10.00	Dates in Tins	05796000	" "	\$ 0.30	7%
0804.10.00	Dates in Ctns & packets	05796000	" "	\$ 0.50	7%
0803000	Banana	057300	" "	\$ 0.18	15%
0801.11	Coco Nuts	057711	" "	\$ 0.18	15%
0804.3000	Pineapple	057950	" "	\$ 0.18	15%
0808.10	Apple	057400	" "	\$ 0.18	15%
0804.50	Mango	057975	" "	\$ 0.18	15%
0807.190	Papaya	057911	" "	\$ 0.18	15%
0804.50	Guava	057975	" "	\$ 0.18	15%
0805.10	Oranges, Mandarin Etc	057110	" "	\$ 0.18	15%
0805.30	Lemon, Pampelmo.	057210	" "	\$ 0.18	15%
0806.10	Grape Fruits	057510	" "	\$ 0.77	15%
0807.11	Water melon	057911.10	" "	\$ 0.18	15%
0807.11	Resins, "Sabiib"	057520	" "	\$ 0.70	15%
0807.11	Other Fresh Fruits	0570980	" "	\$ 0.55	15%
Chapter 9					
Coffee, Tea, Mate, Spices:					
0901.00.00	Curry	0071112	Per Kg	\$ 1.7	25%
0901.10.00	Coffee Beans "Arabic"	0071112	" "	\$ 1.00	25%
0901.10.00	Coffee Beans "Rebusta"	071113	" "	\$ 1.20	25%
0901.90.00	Coffee With peel	071399	" "	\$ 0.80	25%
00902.30	Coffee Husks	0713910	" "	\$ 0.50	25%
0904.11	Tea Loose in sucks/Boxes	0747120	" "	\$ 0.80	7%
0904.11	Black Pepper " Filfil"	075111	" "	\$ 0.80	15%
0906.10	Pepper in Powder	075115	" "	\$ 0.80	15%
0907.00.10	Cinnamons " Qorofol"	075220	" "	\$ 0.80	15%
0908.30.10	Cloves " Dhaga-yare"	075241	" "	\$ 0.80	15%
0908.30	Cardamoms "Hayl" – Indian Type	075253	" "	\$ 3.50	15%

Tariff No.	Description Goods	Statistics No.	Unit of Measurement	Value in US \$	Rate %
0909.10	Cardamoms "Hayl" – east Africa Type	075253	" "	\$ 2.50	15%
0909.30	Coriander "Xulbad"	0752621	" "	\$ 0.80	15%
0910.10.10	Nutmegs "Joos"	0752511	" "	\$1.00	15%
0910.30.10	Common seeds.	0752631	" "	\$ 0.80	15%
0910.10.10	Dry Ginger "Sinjibil"	0755271	" "	\$ 1.00	15%
0910.20.00	Saffron " Sacfaraan"	0752811	" "	\$ 0.80	15%
0910.20.00	Food Color Powder	0752811	" "	\$0.80	15%
0910.30.10	Tamarind " Xamar"	0752911	" "	\$ 0.50	15%
0910.50	Kabsare	0752812	" "	\$ 0.80	15%
0910.50	Black cumin (xabaasuud)	0752812	" "	\$ 0.80	15%
0910.99	Other Spices	0752920	" "	\$ 0.80	15%
Chapter 10					
Cereals					
1001.90.00	Wheat	041200	Per 50 KG	\$ 2.50	7%
1003.00.00	Barley	430000	Per 50 KG	\$ 2.50	7%
1005.90.00	Maize	044900	Per 50 KG	\$ 2.50	7%
1006.20.00	Rice Asian	042200	Per 50 KG	\$ 9.4	7%
1006.30.00	Rice American	042200	Per 50 KG	\$ 13.00	7%
1006.30.00	Rice Basmati	042200	Per 50 KG	\$ 15.00	7%
1006.30.00	Rice (Boosh Cade)	042200	Per 50 KG	\$ 9.00	7%
1007.00.00	Sorghum White	045300	Per 50 KG	\$ 2.5	7%
1007.00.00	Sorghum Red	045300	Per 50 KG	\$ 2.5	7%
1007.00.00	Tukhan Sorghum(SudanType)	045300	Per 50 KG	\$ 2.5	7%
1008.900	White Kindey Beans	045990	Per 50 KG	\$ 2.5	7%
1008.200	Red Kindey Beans	045990	Per 50 KG	\$ 2.5	7%
1008.200	Ethiopean Daafi	045990	Per 50 KG	\$2.5	7%
1008.200	Wheat Husk (Buushi)	045990	Per 50 KG	\$0.60	7%
Chapter 11					
Products of milling industry; malt; starches ; insulin; wheat gluten					
1101.00.10	Flour	046110	Per 50 Kg	\$ 8.55	7%
1101.00.10	Flour For Baking Purpose	046110	Per 50 Kg	\$ 10.00	7%

La soco.....

Buug-yaraha Muwaadinka iyo Miisaaniyadda 2023


6. Sidee Ayey Dawladdu Ugu Kala Qoondaysay Khayraadka/Haynta Qaybahaa Kala Duwan?

Ku-talo-galka miisaaniyaddeed ee 2023 waxa ay mudnaan gaar ah siinaysaa wadaagayaasha {sectors} qaar, sida ku cad Qorshaha Horumarinta Qaranka. Sida ka muuqata shaxda iyo jaantuuska hoose:

Shaxda 2: Isbarbardhiga qoondada mudnaanaha kharash ee Miisaaniyaddaha 2022 iyo 2023.

Qaybahaa	2022 (SLSh)	2023 (SLSh)	Faraqa	% Faraqa oo boqolay ah	% Qoondada Miisaaniyadda
Amniga	886,522,862,738	924,523,872,556	38,001,009,818	4.29%	36.54%
Maamulka	487,862,974,366	526,579,564,488	38,716,590,122	7.94%	20.81%
Dhaqaalaha	393,868,243,068	337,270,147,502	-56,598,095,566	-14.37%	13.33%
Waxbarashada	197,455,161,987	211,611,904,342	14,156,742,355	7.17%	8.36%
Caafimaadka	152,620,312,618	138,995,302,187	-13,625,010,432	-8.93%	5.49%
Mashaarilcda Kale	120,692,049,506	120,318,195,876	-373,853,630	-0.31%	4.76%
Kaabayaasha	91,518,276,380	85,277,120,457	-6,241,155,923	-6.82%	3.37%
Biyya	52,761,150,455	66,400,705,682	13,639,555,227	25.85%	2.62%
Waxsoosaarka	62,694,086,870	64,184,974,777	1,490,887,907	2.38%	2.54%
Deegaanka	35,324,238,347	40,840,250,042	5,516,011,694	15.62%	1.61%
Tamarta	16,293,238,885	14,334,433,954	-1,958,804,931	-12.02%	0.57%
Wadarta	2,497,612,595,220	2,530,336,471,861	32,723,876,641	1.31%	100%

Jaantuuska 2: Isbarbardhiga qoondada kharash ee Miisaaniyaddaha 2022 iyo 2023.



Korodhka qoondada miisaaniyadeed ee sanadba-sanad ka xiga loo astaynayo wadaagayaasha qaarkood waxa ay ka tarjumaysaa muhiimada ay mashaariicdaasi inoo leeyihin sida:



Biyaha

Qodista balliyo & ceelal cusub; si loo yareeyo baahida biyaha

+26%



Amniga

Miisaaniyad dheeri ah ayaa loo qoondeeyey qaramaynta iyo xoojinta ciidamada

+4%



Maamulka

Miisaaniyadda maamuldaadejinta dawladda iyo ololaha aqoonsi raadinta

+8%



Waxbarashada

Qoondo dheeri ah ayaa loo asteeyey jaamacaddaha iyo duggiyada farsamada-gacanta.

+7%



Waxsoosaarka

Kordhinta maalgelinta gaar ahaan kalluumeysiga iyo beeraha

+2%



Deegaanka

Waxa mudnaanta la siiyey daryeelka deegaanka, oo ay ku jiraan daaqa seerayaal si loo yareeyo xaalufka abaarta.

+16%



Kharashka Lama-Filaanka ah

Qoondada u diyaargarawga lamafilaanada sida abaaraha iyo cudurrada faafa.



Doorashooyinka

Iyada oo la sii wadayo geedi-socodka dimuquraadiyadda Dalka, waxa qoondo lacageed loo asteeyey doorashooyinka soo socoda.

+\$15m

7. Sidey Dawladdu U kharash-Garaynaysaa Miisaaniyadda 2023?


Miisaaniyadda 2023-ka waxa laga dabari doonaa kharashaadka meelo badan, kuwaasi oo ay ka mid yihin mushaharka shaqaalaha dawladda iyo ciidamada, maal-galinta mashaariicda dawladda, la tacaalista xaaladaha degdega ah iyo arimaha la hal-maala. Wuxuu si faahfaahsan loogu muujiyey shaxda iyo jaantuuska 3aad.

Shaxda 3: Isbarbardiha qoondada miisaaniyadda 2022 & 2023 iyo meelaha lagu kala bixin doono.

Kharash	2022	2023	Faraqa	% Faraqa oo boqolay ah	% Faraqa Wadarta-guud oo boqolay ah
Mushaharka	1,323,973,109,523	1,395,272,299,701	71,287,299,190,178	5.39%	55.14%
libsiga adeegyada & alaabooinka	491,247,139,546	533,633,346,855	42,386,207,309	8.63%	21.09%
Mashaariicda horumarined	222,121,736,598	247,044,432,728	24,922,696,130	11.22%	9.76%
libsiga hantida raagta	157,791,881,605	121,891,701,121	-35,900,180,484	-22.75%	4.82%
Kharashaadka kale	82,179,616,210	80,071,657,461	-2,107,958,749	-2.57%	3.16%
Bixinta daymaha	93,404,960,317	53,515,992,300	-39,888,968,017	-42.71%	2.11%
Kaalmooynika	46,321,939,814	50,446,939,814	4,125,000,000	8.91%	1.99%
Kababka	25,419,393,703	22,734,101,881	-2,685,291,822	-10.56%	0.90%
Sanduuqa Kaydka Qaranka	39,401,817,905	15,000,000,000	-24,401,817,905	-61.93%	0.59%
Daryeelka Bulshada	8,751,000,000	9,451,000,000	700,000,000	8.00%	0.37%
libsiga saamiga Dowladda ee fibre-ka	7,000,000,000	1,275,000,000	-5,725,000,000	-81.79%	0.05%
Wadarta Guud	2,497,612,595,220	2,530,336,471,861	32,723,876,641	1.31%	100%

Jaantuuska 3: Isbarbardiha qoondada miisaaniyadda 2022 & 2023 iyo meelaha lagu kala bixin doono.

Qaybaha Ku-Talo-Galka Qoonadada Miisaaniyadda 2023 (SLSH)



8. Waa Maxay Mudnaanaha Miisaaniyadda 2023?



Amniga

- Horumarinta tayada iyo tirada hawl-wadeenada samato-bixinta iyo amniga.
- Kordhinta awoodda qalabka iyo gaadiidka gaarka ah.
- Furitaanka xarumo cusub oo ay leeyihiin dab-demisku.



Caafimaadka

- Kordhinta taageerada xarumaha hooyada & dhalaanka hada jira {MCHs}.
- Mashaariicda daryeelka caafimaadka ee Ceerigaabo and Laas-caanood.
- Kordhinta kaalmada lacageed ee Cisbitaalada Xanuunada Dhimirka.
- Mashaariicda JPLG-ga
- Iibka agab caafimaad oo dheeri ah.



Waxbarshada

- Dhismaha iyo qalabaynta rugo-akhris oo dheeraad ah {public libraries}.
- Yagleelida dugsiyo hoose, dhexe iyo sareba.
- Kordhinta kabka dugsiyada.
- Xoojinta dugsiyada farsamada ee hada jira iyo dhisida kuwo cusub.
- Dhismaha Jaamacaddo ay ku jiraan Jaamacadda Burco, Sheikh, Macadka Badda ee Berbera iyo Jaamacadda Al-Najax.



Biyaha , Fayodhawrka, and Caafimaadka

- Afar mashruuc oo ah biyo balaadhinta magaalooyinka Berbera, Burco, Gabley iyo Hargeisa.
- Sii wadida shantii mashruuc ee biyo-balaadhinta magaalooyinka ee hore u socday.
- Dhismaha iyo qodista lix balay {dams} iyo lix ceel oo dhaadheer.



Deegaanka

- Lix mashruuc oo la xidhiidha seerayaasha dawladda si xaalufka loo yareeyo xiliga abaarta.
- Daryeelka duur-joogta iyo ugaadha.
- Wax ka qabashada xaaladdaha degdega ah iyo afooyinka dabiiiciga ah.
- Dhismaha cusb ee Wasaaradda Deegaanka.
- La dagaalanka jarista dhirta iyo xaalufinta deegaanka.

La soco.....

“ Dhamaan iibsiga adeegyada isgaadhsiineed ee Dalka sida; lacagta ku hadalka taleefanada, iibsiga internet-ka iyo adeegyada kale ee la midka ahba waxa la socota cashuurta iibka (GST) oo ah ۱٪ kaliya”



GST

“ Cashuurta iibka ee badeecaddaha iyo adeegyadda (GTS) oo ah ۱٪, waxa ay la socotaa badeecad-kasta oo uu soo saaray warshadle, kuna farsameeyey gudaha Dalka, loona sameeyey arin xidhiidh la leh ujeedo ganacsi”



Wasaaradda Horumarinta Maaliyadda JSL iyada oo ka duulaysa meel-marinta iyo dhaqangalinta awaamiirta uu farayo Xeerka Guud ee Dakhliga Dawladdu Xeer Lr. 72/2016, isla markaana u mahadnaqaysa Hotelada cuntada iyo hurdada, Warshaddaha, Shirkaddaha Isgaadhsiinta iyo kuwa Korontada/Laydhka ee sida fiican ugu hogaansamay hirgalinta Cashuurta Iibka (GST), waxa lagu wargelinayaahudheelada darajooyinka 2aad iyo 3aad ee aan wali laga hirgalinin Cashuurta Iibka in la bilaabi doono qaadista cashuurta GST-ga oo qadarkeedu dhan yahay boqolkiiiba shan (5%) kaliya.

